

測鑑類函纂要

陳兩農題



一

1 加
104
/



門 104
號 1
卷

養齋藤江先生纂輯

淵鑑類函纂要

明治十六年
八月刊行

藤江氏
三宅氏
合梓



淵鑑類函纂要序

淵鑑類函四百五十卷稱為類書之淵海
舊友藤江弼中先考養齋先生沉潛反復
之餘手抄其精要三十卷後又自刪為六
卷遺之筐底間者弼中郵寄示余曰是為
淵鑑類函纂要雖不知其適世用與否然
先人精力所注不忍空廢棄近歲幸會文
風勃興之運因欲刊行問世曩請序於先



淵鑑類函纂要序

清鑑類函卷之五
師朗廬阪谷先生未成而先師逝矣子即
先師之姪而與余有同窓之舊代而序者
非子而誰也敢請余乃不辭而援筆曰昔
者涑水資治通鑑二百九十四卷出讀者
欠伸不能終篇夫通鑑之為書其體史其
文晰非如類函之煩碎難讀而其浩瀚亦
不過半之耳而讀者尚不能終篇則類函
可知也獨先生則沉潛反復抄而又抄蓋

類函成後一人耳抑邦人之於通鑑有津
藩養源君并胡注手寫之人以為曠世美
談類函則有先生手抄抄之與寫雖不同
可謂兩能媲美矣而先生之功則過焉且
夫纂要之刊有不可已於今日者嘗謂操
觚者之於古言典故猶好事者之於古器
舊物鑒識之不至而不知其所出為明為
清為室町為聚樂雖曰無害於用然轉用

之際或誤認品位貴賤倒置勢所不免輓
近人作詩文中既乏材則取給於世俗譯
語日報往往以俚言鄙語插入莊重文字
中而不自覺要之亦坐不審所由出耳當
是時欲匡正之莫善於用類函而類函又
不易讀則有公纂要而已是亦猶考歷世
者必由通鑑學要若集要等而先生遺之
筐底似豫知有今日者刊行之舉弼中何

自疑哉先生名浩字養夫仕龍野善詩精
典故尤熟類函如此抄乃其一斑也顧余
文何足輕重先生之遺篇而所以不辭者
樂道吾友能顯先人之勤勞而濟世用也
蓋亦叔父之志云
撰
明治十六年六月上澣中備警軒阪田丈

大清光緒九年穗城陳雨農書



凡例 此書先子安政年間侍讀舊主賜坂公于江戸邸之餘暇自述潛淵鑑類函摘錄者而本為隨筆之體今更每項揭二三字別付圈圍者猶詩文有題便覽者搜索

凡例

一此書先子安政年間侍讀舊主賜坂公于江戸邸之餘暇自述潛淵鑑類函摘錄者而本為隨筆之體今更每項揭二三字別付圈圍者猶詩文有題便覽者搜索
一淵鑑類函所蒐采書唐類函藝文類聚初學記北堂書鈔白帖杜氏通典歲華紀麗太平御覽事類合璧玉海孔帖萬花谷事文類聚文苑英華山堂考索潛確類書天中記山堂肆考紀纂淵海問奇類林王氏類苑事詞類奇翰苑新書唐詩類苑等

咸蒐蘿云。合為四百五十卷。而各分部。曰天部。曰歲部。曰地部。曰帝王部。曰后妃部。曰儲宮部。曰帝威部。曰封爵部。曰政術部。曰禮儀部。曰樂部。曰文學部。曰武功部。曰邊塞部。曰人部。曰釋教部。曰道部。曰靈異部。曰方術部。曰巧藝部。曰京邑部。曰州郡部。曰居處部。曰產業部。曰火部。曰珍寶部。曰布帛部。曰儀飾部。曰服飾部。曰器物部。曰舟部。曰車部。曰食物部。曰五穀部。曰藥部。曰菜蔬部。曰果部。曰花部。曰草部。曰木部。曰鳥部。曰獸部。曰鱗介部。曰虫豸部。計四十五。今僅分為三十一。合類舉其

概也。

○原本詩賦長篇。皆舉全篇。今剪裁節畧者。摘其要也。若厭簡欲詳。須就原本而求之。此只揭典故藝文之一班耳。

男卓藏識

淵鑑類函纂要目錄

卷之一

天文

天體三 地上去天之數 聞鐘為日 魚腦減
新月占雨 月中之鬼 些子兒 蓋不交 春月
和悅 五風信 西東晴雨 列國雲色 霜降
折綿 借雪取古人名 雷擊譙門 硬雨 雨抽
稅 晴霽喜悅 天喜怒 夢天 夢日
地理
貢土 貢水 天下奇秀 石有旗聚 八水 馮

六郎 海 河海 方伯不拜海神 三江以味分

江水三冷 黃河水名 濟水阿膠 三秋桂子

十里荷花 湖目 池底鋪錦 海井 潮汐

沓潮 子胥為濤 雲夢二澤 漳水 廉泉讓水

閒日甘酸

時令

歲有四秋 歲年 歲之朝 歲之夕 盛衰交代

豐荒相半 握月擔風 雕憶妓女 傳坐 屠蕪

婪尾酒 蹋磧 上元點燈 花朵 剪絲士女

結羊腸 社公雨 社酒 晴明淘井 陶裒花

漆洧渙渙 秧五葉蠶三眠 半十行第五 九日

茱萸 餽歲 別歲 守歲 除夕五步 季冬一

旬學 賦詩撞鐘 紫姑廁形 宿飯取富

王后

王 崖公 天家 大家 官家 宅家 縣家

第三天子 赤脚道人 王真人 三朝德業 三

世丁年 一事不能 名書天子 椒房 婦人足

弓小 宮嬪 左右教坊 花蓋夫人 百王法程

庶出過房 天子嫁女皇后娶婦 為公主服三

年 降父為兄弟行 二人土上坐 群妾授環

設官

少幼相國 丞相封侯 前後賢相 三代書命
 相樹韓家 探丸草麻 祝天置相 御書命相
 紗籠中人 飯後鐘 紅袖拂塵 烏旁曳脚 宰
 相三事 宋官三鳳 史官制死人 長借馬 祠
 官神仙之職 翰林院 草麻潤筆 鼇峰 草麻
 五更 間鶴苦猿 腸胃文章 郢水酒坊 餘慶
 長春 下水船 上水船 玉堂盛事 更快活 一
 條冰 朱衣雙引 朱衣帶金 百錢繫鞋 李下

無蹊 石上碎廢印 刑獄文明 三司使 劉窓
 舍人 間性令 一官三事 破麻 殿中七貴
 鷺羽飾車 五院 籠街喝道 哄堂 殿中蘿蔔
 開口椒 含口椒 主客 掌客 典客 鴻臚
 木天 大蓬 除不離核 杖頭乾 朋字未正
 鳳凰將九子 閉雞開府 寒食吊書 響答詩
 筒 縣令第一策 菜知縣 黃綢被 立身矮屋
 五知 產子種姓 隨戶使 館職 貼職 直
 官 直院 曠職 緋衫舅血 大排樂 扇馬
 上澣 中澣 下澣 急暇 休澣 併假 予告

賜告 豁宿 害肚曆 膏梁 華腴 宰相接
 多士 慶曆四諫 中書瓦解 謫滿百者斥 告
 身輸錢 粥飯僧 脚踐實地 筆不可奪 繩鋸
 木斷水滴石穿 擗柳塗肌 猪口灰 公文後印
 菜葉書字 大虫老鼠 四時仕宦 拭鏡搨白
 賣官同異 冥司三十爐 歸艗圖籍 老夫衣
 鉢 宰相病坊 鼎官 鼎士 兵樣 木挺
 等杖 誕馬 座馬 熟杖 進草 大諾 鳳尾
 諾 押尾 需頭 飲章 請見 温巷
 政術

井田 天運戶口 田畝賦稅 稅役 古制掃地
 晉合二賦 兼并之漸 威福分於豪人 周家
 復除 取息富國 和預買 折帛 和糴 邊糴
 常平 重斂及鷄魚 物力 額外課 率貸
 埭程 捉錢 鶴俸 都內禁錢 肉鼓吹
 射策 洗耳不揖遜於下 進士設韻書 英雄入
 穀中 慈恩寺題名 貢院設香案 色目榜花
 書濫劣者飲墨水 五老榜 金步搖 玉條脫
 宋五大坦率 翰天鷄 御試 分甲次 賜出身

朱衣點頭 禮闈不作詩 燒尾 高吟閱市

白紙糊案子 槐花黃舉子忙 別頭紙 秀才

鄉貢 題名會 打盹瞌

人倫

家督 拜家慶 二奚來牒 卯君生虎兒 一丁

字 文種無絕 讀書種子 金桃為瑞 解玉環

易画像 華亭喚鶴 穀收輿 猶子 從子 一

時德門 本家 合族會食 鄉里落他所 婦奇

醜 白紙寄簡 柳氏詬罵 文穆公四畏 一日

黑白 今日好雪 麵杖擊太祖 岳丈 恭水

越俗交禮 何虞醋交 破老 黔婁布被 馮劉

三同 花子 月点 錢点 臘脂虎 家々 姊

姊 孃々 查郎 麤官 翁 乃翁 嬖姥 阿

媽 阿姐 跨竈 舍弟 判妻 入子 諸君吾

子 姑息 上清 八々 所由 鐐子 南北

白席人 大伯 煖糟 厠波妓 劄客 撒暫

泛索 勘宅 驩門 副淨 蒼鷲 末泥 孤裝

入爆炭 都智 稱壽遇旬曰秩

身體

芫荽 剥人面皮 一尺之面 一面都目 瞎兒

一淚 以手為口 三耳秀才 耳冷口吃穀

穿齧透爪 半生不語 多髯中相法 天閣

人壽 海山方物 血社 搔癬之悅

卷之三

白姓字

氏族 姓氏為二 胡見 詩書不諱 同訓代換

二十為念 墨池皮棚 觸々生 韓臯硬的

馮道門客 香印蒸餅 準去十 謂漢字曰兵士

爹々民賊 王詢論語 下官無所諱 古人不

諱字 唐人不諱名 以序為叙 名字寸許 諱

避類例

德材

十儉 座隅十思 獨孤孝經 孝孺孔子廟 白

豆投器中

詭智

賜衣顛倒 鼠獄鷄碑 三々橫兩々縱 高俊神

在 虞翻曲針 揚縮四聲 劉少逸聯句 短尾

為刁 麥竇戲嘲 崔林諧謔 蕪頰尹字 放覲

戲嘲 陳少卿滑稽 聶崇義三耳 尤延之經句

瓦學士 園外狼 張重日南 鼎臣覆餗 風

月鉤線 元孚酒瓶 李章換魚 李西涯場中題

閣下李先生 李過庭 李忠臣驢耳 八字三

聲 喙三尺 陸四括囊 宋景文唐史 介甫多

思 荆公鄭聲 逆取順守 度撰 沒字碑 半

人及第 胸前則有頭 隆儒殿學士 襍纂 竈

下盟 古人姓名爭一物 魏使縮鼻 于謙春王

正月 李諧三短 徐陵春秋

郊鄙

象耕鳥耘 農叢圃笠 兔園冊 蛟人潛織 大

月氏日及 茶神沃湯 漁舟載詩 淮陽一老

卧雲先生 盤鈴傀儡 黑風暗月 檀弓言物始

愚公之谷 苾種收種 旱具舟熱具裘 貧人

販甕

儉吝

一葉濃陰 子瞻故人 十錢傾家

居處

藝祖製圖 寺觀飛魚形 面大道者曰第 宅不

西益 兩枝梁 治第三得 烏頭漆 措頭 護

朽 瓦子勾欄 邀棚 市井 窮漢市 燈市

廟市 惡髮殿 誓儉草 國号定數 墻低雲度

貧家壁 折柝橋 海神改封 風伯清塵 凹
凸寺 蒼荀館

文

萬有諷括 三十六宮 尋行數墨 詩刪去 朱
文公集傳 春秋不可泥 經神學海 班馬優劣
一 医方致夭壽 書五厄 孔子之學 陸沈 讎
校 堂內將軍 學問若食雞 雞尸牛從 三寫
易字 文溢體 宋典故 為文三多 人日鳥
取材漢魏 詩聲律 詩有別才 以詩為詩 水
月鏡花 孟浩然清絕 相如遜文 多言銘 偷

光賦 照字賦 夢而文思進 大山小山 槐市

離別贈芍藥 書券三紙 王僧儒多識 陳彭

年強記 楊士奇詩法 士流措大 六帖無次序

賣餅家 虫冷符 書簾 書厨 筆仙 人鬚

筆 鷄毛筆 君子三端 四友贊 仙翁硯 幡

紙 黃紙 薛濤箋 百韻箋 五鳳樓 蠻箋

松皮紙 布頭箋 造墨 和墨 賣墨潘谷 古

硯銘 楯鼻磨墨 惜墨如惜命 硯質

武

卷之四

三略 奕者之譜 漢西北軍 甲 禁軍 廂軍

鄉兵 牙旗 兜鍪 鴛鴦戰襖 掛甲錢 卸

甲錢 刀 不刺刀 劍 疥癬賓 破山劍 鴨

兒芭 折樹稍 弓 五百弓 刑天 楯為冠

豬突豨勇 馬勒 折倒

禮

指腹為婚 縵後各牽一系 廿八字媒 東床之

選 旧女婿新女婿 薄餅從上揭 詩句擇婿

拜禮 今生緣 百子張

樂

酒以舞屬 防風聞琴舞 獅子郎 李牟旧笛

破笛一管 鑼脚鎖簧 角曲三弄 胡琴

儒釋 付妖

儒門淡薄 六祖 方便法喜 孝經廿遍 得々

和尚 除煩惱 佛法不許乘馬 僧黃衣 宗泐

偈 僧稱 佛像俯首 和尚四大 步虛声 道

術 鬼 巫 淫祀 石人治病 紫姑仙 異香

女子 妖婦十二字 閻羅王 床下吟誦 破瓜

年 錢數知死 岳飛兩犬 縱目人塚 百物假

於神 冥官一曆 駭神

術藝

卜在精誠 見相 面相 相之相 筭數 東西
 里數 刀圭 徒癱 射石 錢孔瀝油 蝦蟇為
 馬 懸風槌 握中一子 局上獨子 四子一
 詩 三十三鎮神頭 重霸筭路 棋隱語 擔糞
 着棋 飯會 地仙丹 擊門椎 木野狐 日勝
 日負 松子量 相思紅子 奕旦評 藏鈎飛鳥
 賭新法

書画

古釵脚 筆意進 書奴 字均平 于祿書 鸚

哥嬌 米蘇并書 題跋牛腰 扇頭止風 水中
 楔帖 假染工學書 換羊書 魯直三反 氣拂
 拂 縱橫一萬里 潤筆闕一物 致吾忘之 漢
 刻遺法 案魚魚菜 雲漢圖 維摩詰一画画天
 上人 傳神之難在目 賸水殘山 机絕 針絕
 糸絕

寶貨 付火

西漢多金 眾口鑠金 千萬買隣 銅山西傾
 兩字錢 王老 一倉錢一條繩 玉 珠 水珠
 記事珠 珊瑚筆格 珍珠首飾 押忽大珠

平安火 八人過 禁明月 燈 纖腰一搦 香
餅 燈籠傳道

卷之五

服器

印章 白板天子 花押 杓窠印 制手板 笏
囊 幘施屋 白帽 奪袍 火浣布 絲縷 亂
糸三斷 履係 倒屣 足下 木履 一翫百錢
水晶屏風 楊花枕 鷄鳴枕 警枕 巨源杖
鳩杖 麻沙 硬黃 響榻 魚袋 油紫 朱
緋 紅 罨畫 杖頭塔形 鏡殿 設榻 扇

償逋 襄陽節度 圓轉器 慰斗 六合舟航
三望車 太平車 有脚城 八月浮槎 渡江繩
短 撲滿 覆醬瓮 商君 壺子 涵春君 湯
媪 竹夫人 腐磴 方竹杖
飲食

稍事 王羹相粥 不祿羹 血腸醬 秋鯖 猴
頭羹 羹膾 金齏玉膾 胃脯 茶之佳者 以
酒名春 桑落酒 酒 花露 皮薑細嚼 玉浮
梁 飲酒淋灰 惡客 狂花 病葉 以酒吐人
古人飲酒 囚酒星焚醉日 一月廿九日醉

醉乘馬	辛醉投酒內	傳奕醉死	百悔經	觥
籌獄	酒者天之美祿	送酒書至酒不達	雪堂	
義尊	滴淋	酒經	酪酥評人	酒器三雅注
子	偏提	熬餅	燒餅	蒸餅
環餅	乳餅	胡餅	不托	餽飢
板糰	饅頭	牢九	包子	
資稻餌	粉粢	寒具	餅餃	寶珠市餅
謳	歌鬻餅	餛飩	果品簇釘	杯中蛇形
新豐縣	豆腐	麻羹豆飯	雪中薺汁	
草木				
三穀	五穀	六穀	百穀	兩穀
画菜	和事			

草	官無蔬菜	桃暗李明	小桃	桃花白雪	醜
面	早梅	蠟梅	梅藍	梨	橘籍
橘鄉	橘	里	橘市	柑子	味諫
金橘	櫻桃	石榴指	環	栗徑寸	河東飯
紅枿分半	枇杷	荔枝	間吟	蹲鴟	薯蕷
蔗糖	貧人買瓜	畦無遺	瓜	坐客徵瓜	牡丹
牡丹包羞	小南強	大	北勝	海棠無香	紫薇
醅醪	潤筆花	玉樹	後庭花	墨菊	杜若
水仙	賣咲花	芝草	茂草	綠坳兒	槐樹
槐癭	大柏復生	愷之	一葉柳	金井梧桐	鳳凰三出
黃楊	桂	木			

蘭花 桑白皮 空桑中李

卷之六

禽

鵬 仙禽胎生 鶴相 晁米白鶴 蕪耽化鶴

鸚鵡問安否 鸚鵡問故主 鷹隼羽文 鷹隼積

怒 鷹雛 海鷁 畜猴 神鷁 落鷹殿 蒼鷁

暖鳥 二鷁擲卵 佳賓 鵲 五雀六燕 弱竹

彈兩燕 堂燕致書 鳴鳩逐雌 肉寄生 雞朱

朱 魚瞰鷄睨 鷄寒上距鴨寒下背 白團 鴻

雁三同三異 雁奴 白雁為婚贄 雁子都 稅

鷺卵 童驅鷺鴨 鴨能人言 蒼鷁二八 瓦亭

仙 流鶯不解語 鸚鵡效人語 謝豹 姑惡

顧觀驅黃雀

獸

獅子 象 象胆 兔馬象渡河 二盲摸象 象

鞋 象藏牙 象油 李父 李耳 犀角寓成形

水牛 馬鹿 麋 麋麋 麋死 猴母 狸々

狸々血 獺胆分杯 睢陽咋狐犬 狐神

貉睡 礼鼠 鞭擊猫 印竹擊狗 死猫引竹

伯樂相馬 馬癖 印牧馬 以妾換馬 二馬優

劣	綠耳梯	四足仙人	馬願封官	李白跨驢
賣驢	明駝	山驢王	相牛經	中黃
食萬	羊	料羊	佛前羊心	白沙龍
雙暈羹	羊腰	腎羹	與羊謀羞	羊踏菜園
犬吠屠人	白馬	非馬	訓狐	
鱗虫				
画龍	三停九似	龍九子	龍吟	老蛟
螂蛆搏	蛇	蛇雌雄	兩頭蛇	宮中綠蛇
黃色蛇	化	石小蛇	舉笏擊蛇	蛇珠
膝王蛟蝶	謝胡蝶	賣青林樂	金翼使玉腰奴	化石蜂
蜻蜒貼				

水	狼相蟻	蟻穴	王孫	蝨引螻	國同穴	一
竅五用	六一泥	叩頭虫	入耳	聚螢囊	泥塗	
牛馬	亡爪殺蚤蟲	剃小黃門頭蟲	改名登科			
蝦蟇哭	抱竿羹	蟄更	土鴨	水雞	田鷄	
水族						
魚枕	禍及池中魚	比目魚	吳王膾餘	金陵		
膾殘魚	龍門術士	昆明池養魚	植頭鱖	鯉		
使宅魚	釣魚應制	海多	魚千里	池魚食		
化	知更魚	代漏龍	摩竭魚	烏賊	烏賊墨	
門鑰魚形	蚌珠羅漢	綠毛龜	車螯	蚶蠟		

蟹斷 蟹肉 蟹圓殼 乾蟹掛門 蝟蚌 蟾蜍
 橙蟹 新酒菊花 蟹饌 巨鱗 大龜 鼈鳧
 毒 種鼈 鼈舞 癩頭龜頂缸 鼈更 水族
 異名

淵鑑類函纂要目錄終

天體三曰渾儀
曰宣夜曰周髀

淵鑑類函纂要卷之一

天文 四里五十五里五入二十六天
播磨 養齋藤江浩狼夫纂輯

天體三 賀道養渾天記曰昔記天體者有三渾儀

莫知其始書以齊七政蓋渾體也二曰宣夜夏殷
 法也三曰周髀當周髀之所造非周家之術也近
 世復有四術一曰方天興於王充二曰昕天起於
 姚信三曰穹天由於虞喜皆以臆斷浮說不足觀
 也惟渾天之事徵驗不疑

地上去天之數 晉書天文志日景于地千里而差

日去下地八万

里日斜射陽城
為天徑之半

一寸景尺有五寸者南戴日下万五千里也以此
推之日當去其下地八万里矣日斜射陽城則天
徑之半也體圓如彈丸地處天之半而陽城為中
則日春秋冬夏昏明晝夜去陽城皆等無盈縮矣
故知從日斜射陽城為天徑之半也以勾股法言
之旁万五千里句也立八極万里句也從日斜射
陽城弦也以勾股求弦法入之得八万一千三百
九十四里三十步五尺三寸六分天徑之半而地
上去天之數也

聞鐘為日

蘇東坡文集曰生而眇者不識日問之

有目者或告之曰日之狀如銅盤扣盤而得其聲
他日聞鐘以為日也或告之曰日之光如燭捫燭
而得其形他日揣籥以為日也日之與燭捫燭
矣而眇者不知其異以其未嘗見求之人也

魚腦減

淮南子曰月毀而魚腦減

新月占雨

趙德麟侯鯖錄曰新月占雨說如懸弓

少雨多風月如偃瓦不求自下

月中之鬼

西域記云婆泥斯國有三獸塔劫初有

狐兔猿異類相悅時天帝釋化一老夫詣三獸求
食於是狐銜鯉猿採菓俱來惟兔空來自傷鼻於

月毀魚腦減

趙德麟占雨說

天帝收燧兔寄
月輪

月盈頁函

卷之一

天文

乃投火充食時老夫收取焦鬼嘆謂猿狐曰吾感其心不泯其迹寄之月輪傳乎後世咸言月中之鬼因斯而在

盧多遜賦新月

些子兒

宋太祖幸後池對新月置酒召當直學士

盧多遜使賦詩多遜請韻太祖曰用兒字多遜詩

云太液池邊看月時晚風吹動萬年枝誰家玉匣

開新鏡露出清光些子兒

曹希孟新月詩

蓋不交

宋閨秀曹希孟詩曰禁鼓初聞第一敲坐

看新月出林梢誰家寶鏡新磨出匣小參差蓋不

交

春月色勝於秋月色

春月和悅

東坡在汝陰堂前梅花大開月色鮮霽

王夫人曰春月色勝於秋月色秋月令人慘悽春

月令人和悅東坡大喜因作減字木蘭花詞云不

似秋光只與離人照斷腸

五風信

天中記吳俗以十月初五為五風生日漁

者盛陳牲醴饗並湖諸祠祈此日有風則每五日

風雨如期而至終歲皆然可以揚帆取魚謂之五

風信

東西晴雨

續博物志關東西風則晴東風則雨關

西反之

關西關東風雨相反

十月五日為五風生日

列國雲態

晉書曰韓雲如布趙雲如牛楚雲如日

宋雲如車魯雲如馬衛雲如犬周雲如輪秦雲如

行人魏雲如鼠齊雲如絳衣越雲如龍蜀雲如困

霜降

張鷟朝野僉載曰則天時春雷始鳴記其日

滿一百八十日霜必降鴈從北來記其日後十八

日霜降

折綿

潘子真詩話云余以黃山谷霜威朝折綿風

力夜冰酒之句問所從出山谷曰勁氣方凝酒清

威正折綿庾肩吾詩也後余讀阮藉歌略曰陽氣

微弱陰氣竭海凍不流棉絮折乃知折綿事始於

雷鳴一百八十日霜必降

折綿事始於阮籍

阮籍豈山谷偶忘之耶

借雪取古人名

五代史補曰李昇既畜異志欲有

江南且欲諷動僚屬雪天大會出一令曰借雪取

古人名仍詞理通貫時宋齊丘除融在坐昇舉杯

為令曰雪下紛紛便是白起齊丘曰著屐過街必

須雍齒融意欲挫昇等遽曰明朝日出爭奈蕭何

昇大怒是夜收融投於江自是與謀者齊丘而已

雷擊譙門

說寶宋黃仲冕未第時常有魁天下之

志元豐四年雷擊譙門仲冕聞之口占成四句云

風雷昨夜破枯株借問天公有意無莫是卧龍踪

雪下紛紛便是白起著屐過街必須雍齒明朝日出爭奈蕭何

黃仲冕詩莫是卧龍踪跡困於開頭角入雲衢

諱電為硬雨

雨俱抽稅不入京師

跡困放開頭角入雲衢次年對策為天下第一
硬雨 軒渠錄紹興十七年五月臨安大雨電太學
瓦屋皆碎學官申朝廷不敢言電稱為硬雨

雨抽稅 南唐時關司斂率尤繁商人苦之屬近甸
九旱一日宴於北苑烈祖謂侍臣曰畿甸雨都城

不雨何也得非獄市之間違天意歟申漸高乘談
諧進曰雨俱抽稅不敢入京烈祖大笑即下令除
一切額外稅信宿之間膏澤告足

詞人說晴詩甚眾

晴霽喜悅 初學記後漢應瑒魏文帝繆襲晉傅元
陸雲並有喜霽賦晉湛方生有天晴詩誓含有悅

天怒隆々

夢天諸例

晴詩近代詞人作者甚眾以苦陰霖而喜悅晴霽
也

天喜怒 論衡曰天怒則隆隆天喜應啞啞而咲
不聞咲也

夢天 堯拔天而上湯及天而舐之秦穆公趙

簡子游天聞樂後漢鄧皇后捫天嗽乳陶侃

飛冲天天門九重已入其八翅折而墜陳高祖

天開一丈有一人朱衣捧日令張口納之及覺猶

熱劉宋薛安都見天門開韓琦以手捧天者

再龐見天象成文云龐藉十年作相當以仁佐

天下、王且見天門開中有已姓名、王素至玉京、

夢日諸徵

夢日

高辛氏之妃夢日而生八子、號八元、帝嚳之妃夢日則生一子、八夢生八子、文王夢日月著其身、漢景帝夢神女捧日以授王夫人、夫人吞之、十四月而生武帝、靈帝王美人數夢負日而行、四年生獻帝、魏文帝夢日墜地、分為三、已得一分、後魏遼西王夢日墜水中、村人以牛車挽致不出、已獨抱戴而歸、魏孝文皇后高氏幼夢在堂內、日光入窓、熱東西避之、光猶斜照不已、

如是數夕、後生世宗、陳文帝夢兩日鬪、一大一小、大者光滅、墮地、大如斗、帝三分取一、唐楊炎上山見日咫尺、舉手捧日、賈隱以首承日、吳毛貞輔夢吞日、問楊廷式、揚曰、此夢至大、非君所能當、若以君而言、當得赤烏場官也、

--	--	--	--	--	--	--	--	--	--	--	--	--	--	--	--	--	--	--	--	--

長安縣貢土萬年縣貢水

岷峨巫峽太岳九華黃山齊雲遷都雁宕靈山點蒼

奇章公百倪一舉千里一瞬

地理

貢土

貢水

南部新書天下貢賦惟長安縣貢土

萬年縣貢水

浩按隴右記武都紫水有泥其色紫而粘貢之用封紫泥

天下奇秀

古今合璧太行五岳皆崇高雖諸峯之

魁然其奇秀莫如蜀之岷峨巫峽楚之太岳池之九華歛之黃山休之齊雲括之遷都温之雁宕桂之靈山滇之點蒼非東西南北之人而走萬里究荒陬者則不可與言也

石有族聚

長慶集曰奇章公嗜石其僚吏鎮守江

河者乃納瑰獻奇公列之於別墅游息之時與石

為伍石有族聚太湖為甲羅浮天竺之徒次為石
 有大小其數四等以甲乙丙丁品之每品有上中
 下各刻於石陰曰牛氏石甲之上丙之中乙之下
 百仞一舉千里一瞬此其所以為公適意之用也
 八水 八水一曰清二曰冷三曰香四曰柔五曰甘
 六曰淨七曰不壻八曰蠲痾

馮六郎名夷即河伯也

馮六郎 河東記曰韋浦遇鬼客歸元景云早給事
 馮六郎於河中浦曰六郎何人歸曰馮六郎名夷
 即河伯軒轅天子之愛子也浦曰馮何得第六曰
 馮水官也水成數六耳

海有八大未曾有

海 五分律海有八大未曾有大海漸深潮不過限
 不宿死屍百川來會無復異稱萬流悉歸而無增
 減出玕珠等寶大身衆生皆住其中同一鹹味是
 為八

河北得水為河塞北得水為海

河海 李吉甫云河北得水便名為河塞北得水便
 名為海

裴祭不致札於海神

方伯不拜海神 譚藪曰裴祭為膠州刺史屬時亢
 旱士民勸令禱於海神祭憚違衆心乃為祈禱舉
 杯而言曰五岳視三公四瀆視諸侯安有方伯而
 致禮於海神也卒不肯拜

三江水味異

三江以味分 聞見後錄曰、蘓軾書傳曰、禹貢三江之名曰北曰中者、以味別也、蓋此三水性不相入、江雖合而水味異、故至于今有三冷之說、古稱唐陸羽知水味、三冷相禱而不能欺、不可誣也、許敬宗對高宗曰、古者五行皆有官、水官不失職、而能辨味與色、潛而復出、合而更分、皆能識之、蓋江河以味分、故宗先言之矣、

江水三冷

丹徒志類集、江水至金山分為三冷、中朝故事、李德裕使取金山中冷水、水記楊子江南冷水第一、蔡祐竹牕襟記、石排山北謂之北灑、劉

黃河十二月分水名

伯芻水品以中冷為第一、陸羽茶經以為第二、東坡詩、中冷南旁石盤陀、蔡肇詩、中冷之西古石排、黃河水衡記曰、黃河十二月各有水名、正月名凌、解水、二月三月名桃花水、四月名菱黃水、五月名瓜蔓水、六月名礬山水、七月八月名菰苗水、菰花正開也、九月名登高水、十月名復槽水、水落復故道也、十一月十二月名感凌水、水斷復結、感起成層也、

濟水

夢溪筆譚曰、古說濟水伏流地中、今歷下凡發地皆是流水、世傳濟水經過其下、東阿亦濟水

東阿取井水煮膠謂之阿膠

所經取井水煮膠謂之阿膠用攪濁水則清人服之下膈疎痰止吐皆取濟水性趨下清以重故以治滋濁及逆上之疾今醫方不載此意

三秋桂子

十里荷花

聞見後錄曰孫何帥錢塘

柳耆卿作望海潮詞贈之內有三秋桂子十里荷花之句此詞流播金主亮聞之起投鞭渡江之念命画工潛入臨安圖西湖揭軟屏間只已像策馬吳山之巔題其上曰萬里車馬盡會同江南豈有別疆封提兵百萬西湖上立馬吳山第一峰紹興淳熙間君相縱逸耽樂湖山無復新亭之淚是以論

金主亮西湖圖贊

者以西湖為尤物比之西施破吳寬哉東坡詩曰好把西湖比西子淡粧濃抹摠相宜

湖目

酉陽雜俎曰歷城北二里有蓮子湖魏袁翻

曾在湖讌集參軍張伯瑜諮公言向為血羹頗不能就公曰取湖水必成也遂如公語果成時清河王諮公何義公曰可思湖目王未解主簿房叔道曰藕能散血湖目蓮子故令公思清河嘆曰人不讀書其猶夜行二毛之叟不如白面書生

池底鋪錦

李石開成錄曰文宗論德宗奢靡云聞

得禁中老宮人每引泉先於池底鋪錦王建宮詞

湖目謂蓮子也

德宗奢靡於池底鋪錦

曰魚藻宮中鎖翠峨先皇行處不曾過只今池底
休鋪錦菱角鷄頭積漸多

賈胡監識

海井 癸辛襍識曰華亭縣市中有物如小桶無底
非竹非木非金非石忽遇海舶老商見之曰此至
寶也名曰海井凡航海者必載淡水自隨今得此
但以大器滿貯海水置此井於水中汲之皆甘泉
矣急買之去

潮汐往來隨月之盈虧

潮汐 臨安志高麗圖經曰潮汐往來應期不爽為
天地之至信古人嘗論之在山海經以為海鰭出
入之度浮屠書以為神龍之變化竇叔蒙海嶠志

以為水隨月之盈虧盧肇海潮賦以為日出於海
衝擊而成王充論衡以為水者地之血脈隨氣進
退率未之盡大抵天包水水兼地而一元之氣升
降於太虛之中地乘水力以自持且與元氣升降
互為抑揚而人不覺亦猶坐於船中而不知船之
自運也下省

沓潮 早潮上晚潮下兩水相逢謂之沓潮

子胥為濤 論衡曰儒書言吳王夫差殺伍子胥煮
之於鑊盛於囊投之於江子胥恚恨臨水為濤溺
殺人夫言吳王殺伍子胥投之於江實也言其恚

伍子胥恚恨臨水為濤

恨臨水為濤者虛也。且衛菹子路而漢烹彭越。子胥勇猛不過子路彭越。然二子不能發怒於鼎鑊之中。子胥亦然。自先入鼎鑊。後乃入江。在鑊之時。其神豈怯而勇於江哉。何其怒氣前後不相副也。

雲夢二澤之名

雲夢二澤

左傳邳子之女奔子于夢中。無雲字。楚

子濟江寢于雲中。無夢。是知雲夢乃二澤。禹貢爾雅皆曰雲夢者。並舉二澤言之耳。旧尚書雲夢土作又。唐太宗得古本作雲土。夢又。遂詔從古本。

漳水

夢溪筆譚水以漳名。洛名者最多。今略舉數

處。趙晉之間有清漳。濁漳。當陽有漳水。懸上有漳

漳兩物相合文章可別之義也

水。漳郡有漳江。漳州有漳浦。亳州有漳水。安有漳水。洛中有洛水。北地郡有洛水。此概舉一二耳。其詳不能具載。予考其義。漳謂兩物相合。有文章且可別也。

廉泉讓水

南史范栢年漢中人。嘗謁宋明帝。言次

及廣州貪泉。因問栢年。卿州中復有此水否。答曰。臣州中惟有文川。武鄉廉泉讓水。又問卿宅在何處。曰廉讓之間。善其對。

間日甘酸

江乘縣有泉。半冷半温。又零都東紫陽

觀內有泉。間日甘酸。

春之秋夏之秋、秋之秋冬之秋

時令

歲有四秋 管子云、歲有四秋、而分有四時、故曰農事且起、請以什伍農夫賦耜鐵、此之謂春之秋、大夏且至、絲纊之所作、此之謂夏之秋、而大秋成、五穀之所會、此之謂秋之秋、大冬營室中、女事紡績、緝縷之所作、此之謂冬之秋。

歲年 中數曰歲、朔數曰年。

歲之朝 歲之夕 自正月盡四月、為歲之朝、九月至十二月、為歲之夕。

盛衰交代 豐荒相半 袁子正語、歲在申酉、乞漿。

申酉乞漿得酒、辰巳嫁妻賣子

得酒歲在辰巳嫁妻賣子夫盛衰交代豐荒相半天之常道也

曲江春宴

握月擔風

曲江春宴錄虞松方春招握月擔風且

留後日吞花卧酒不可過時

雕幃妓女

撫言進士會宴曲江盧彖請假不赴乃

盧彖以雕幃載妓女

以雕幃載妓女微服游觀為團司所發判云深攬席帽密映羶車紫陌尋春便阻同年之心青雲得

路可知異日之心

傳坐

南部新書曰長安風俗元日以後遍作飲食

相邀号傳坐

元日以後相邀飲食

元日飲屠蕪不病瘟疫

屠蕪

俗說屠蕪草庵之名昔有人居草庵之中每

歲除夜遺閭里藥一劑令井中浸之至元日取水置於酒尊合家飲之不病瘟疫今人有得方者亦不知其人姓名但名屠蕪而已

婪尾連飲三杯

婪尾酒

樂天詩曰三杯藍尾酒藍當作婪或謂此

出候白酒令巡匝至末坐者連飲三杯蓋末坐遠酒到遲故連飲取貧婪之義故曰婪尾

蹋蹟

圖經曰夔州人重諸葛武侯以人日傾城出

八陣磧上謂之蹋蹟婦人拾小石之可穿戴者以絲索係於釵頭以為一歲之祥府帥宴於磧上

人日婦人拾小石係於釵頭

上元日民間每
一家點燈七盞

上元點頭 鼂氏客話曰蔡君謨守福州上元日命
民間一家點燈七盞陳烈作大燈長丈餘大書云
富家一盞燈太倉一粒粟貧家一盞燈父子相對
哭風流太守知不知猶恨笙歌無妙曲君謨見之
還輿罷燈

正月宮人剪五
色為百花

花朵 剪綵 外紀晉惠帝正月百花未開令宮人
剪五色通草花實錄云王符潛夫論已譏花米之
費晉新野君傳家以剪花為業有染絹為芙蓉捻
蠟為菱藕剪梅若生之事則花朵起于漢剪綵起
于晉矣

正月十六日
以紙繩亂結者

結羊腸 霏雪錄北方士女正月十六日用舊曆日
紙九道為繩亂結以首尾聯屬者為兆謂之結羊
腸

社公社母不食
白水

社公雨 提要錄社公社母不食舊水故社日必有
雨謂之社公雨陸龜蒙詩云幾點社翁雨一番花
信風

社日飲酒治耳
聾

社酒 俗傳社日喫酒治耳聾賈氏談錄宋李昉為
翰林學士月給內醞兵部李相濤小字社翁好滑
替嘗因春社寄昉詩社翁今日沒心情為之治聾
酒一瓶惱亂玉堂將欲遍依稀巡到第三廳

浩按
學士

院第三廳有二巨槐，曰傳居此閣者多至入相。又詩話大社二祭，多差近

臣王禹玉在兩禁多年，熙寧間為翰林學士，復被差題詩於齋宮曰：鄰鷄未唱曉，驂催又向靈壇飲。福杯自笑治，聾知不足。明年强健更重來。

清明淘井

志林云：黃州俗清明淘井。東坡在黃州

夢參寥誦所作詩，覺而記兩句云：寒食清明都過了，石泉榆火一時新。夢中曰：火固新矣，泉何故新？答曰：俗以清明日淘井，後七年守錢塘，而參寥已居智果院，軾于寒食之明日泛湖謁參寥，汲泉鑽火烹黃蘗茶，忽悟所夢詩，作應夢記。

三月三日分朋走馬射木雕兔

陶哀花

燕北襍記云：三月三日以木雕為兔，分朋

走馬射之，先中者勝。其負朋下馬奉朋入酒，勝朋於馬上接盃飲之，番呼此節為陶哀花。陶哀是鬼花，是射。

溱洧渙渙

韓子章句曰：溱與洧，方渙渙兮，謂三月

桃花水下時也。

秧五葉蠶三眠

五代時蕭結為祁陽令，不畏強禦，

方暮春時有州符下，取競渡船，刺史將臨觀，結怒批其符云：秧開五葉蠶長三眠，人皆忙迫，詎任渡船乃罷競渡。

暮春競渡

半十行第五

困學齋雜錄金田特秀大定十九年

進士所居里名半十行第五以五月五日生小名

五兒年二十五應鄉府省殿四試俱第五名年五

十五以八月十五日卒五月五日生者田文玉鳳

宋徽宗胡廣王鎮惡崔信明張嘉

九日茱萸

容齋隨筆曰劉夢得云九日詩中用茱

萸字者凡三人杜甫醉把茱萸仔細看王維徧插

茱萸少一人朱放學他年少插茱萸三君所用杜

為優也

餽歲

別歲

守歲

風土記曰蜀之風俗晚歲相

詩中用茱萸字

史育五步詩

與餽問謂之餽歲酒食相邀謂之別歲至除夕達

旦不眠謂之守歲

除夕祭先竣事長幼聚飲祝頌而散謂之分歲

除夕五步

唐史育開元中上書自薦能詩謂子建

七步臣五步之內可塞明詔明皇試以除夕詩應

口而賦云今歲今宵盡明年明日來寒隨一夜去

春逐五更回氣色空中改容顏暗裡催風光人不

覺已著後園梅

季冬一句學

皇甫謐曰余家貧晝則愁于作勞夜

則甘于疲寐以三時之務卷帙生塵筐不解緘惟

季冬末纔一句得學耳

皇甫謐一歲中
季冬終一句得
學

詩益類函

卷之一

時令

僧謙賦中秋詩
喜極撞鐘

賦詩撞鐘

江南野錄金輪寺僧謙夜半咏中秋月
得清光何處無之句喜極撞鐘

紫姑廁形

劉敬叔異苑紫姑本人家妾為大婦所

逐正月十日感激而死故世人作其形於廁以迎
之卜云子胥不在曹夫已行小姑可出子胥塔也
曹夫姑也

宿飯取富

時鏡新書云歲歲家具有有較謂為

宿歲之儲以入新年名為送歲留宿飯至新年十
二則弄于街衢以為去故取新除貧取富又留此
飯驚蟄雷鳴擲之屋上令雷聲遠

歲暮留宿飯至
新年弄于街衢

王后

王

董子曰三畫而連其中謂之王三畫者天地與
人也連中者通其道也

崖公

唐語林教坊記曰樂人呼天子為崖公

天家

大家 **官家** **宅家** **縣官** 皆指謂國家

也亦稱巨公崖公

第三天子

冊府九龜曰唐憲宗六七歲時為皇孫

德宗抱置膝上戲曰汝是何人乃在我懷中皇孫
對曰第三天子德宗驚喜

赤脚道人

宋仁宗母李氏夢一羽衣跣足從空而

崖公謂天子

宋仁宗幼年徒
步禁中

下云米為汝子。明年生仁宗。仁宗幼年每穿履。即亟使脫去。嘗徒步禁中。皆呼赤脚道人。蓋古之得道李君也。

王真人

真宗嘗遣左璫詣茅山祈嗣。遇王異人。言

王真人已降生於宋朝。璫問王真人本是何人。曰

古燧人氏。章懿亦夢羽衣數百人。從一仙官自空

而下。曰此托生於夫人。及仁宗生。宮中火光燭天。

始行步。嘗持槐木簡。以箸鑽之。真宗問何用。曰試

鑽火爾。帝顧謂妃曰。異人之言信不虛矣。

三朝德業

方輿勝覽曰。宋建守陳覺民過武夷山

宋仁宗幼年以箸鑽槐木簡

徽宗多能獨不能為君

詩外真洞口接天門。靈草丹桃日日春。聽說列仙

來瑞世。三朝德業在斯民。蓋神宗真宗哲宗皆武

夷仙真應世。故有三朝德業之句。

三世丁年

高宗生於丁亥。孝宗生於丁未。光宗生

於丁卯。楊誠齋詩曰。誕辰三世揔丁年。

一事不能

元順帝閱徽宗書畫稱善。學士嚶嚶曰。

徽宗多能。惟一事不能。帝問何事。對曰。獨不能為

君耳。

名書天子

書苑曰。晉武帝。元帝。成帝。康帝。孝武帝。

宋武帝。文帝。孝武帝。明帝。齊高帝。武帝。梁武帝。簡

文帝孝元帝陳高帝文帝唐高祖太宗睿宗玄宗皆以書名、

皇后稱椒房

椒房

應劭漢官儀曰皇后稱椒房取其質蕃衍盈外以椒塗屋取溫暖祛惡氣也

婦人之足以弓小為好

婦人足弓小

唐錦詩曰蓮中花更好雲裡月常新因李後主宮嬪睿娘作也由是婦人之足以弓小為好

宮嬪女職本備內任

宮嬪

文昌雜錄唐制天子坐朝宮人引去殿上故杜子美詩戶外昭容紫袖出雙瞻御坐引朝儀至天祐間詔宮嬪女職本備內任今後每遇延英坐

左右兩教坊右善歌左善舞

左右教坊

吳氏能改齋漫錄曰忽看金輿向外坡日只令小黃門祗候引從宮人不得出外自此始也

宮人接著便相隨恰從中尉門前過當處教看卧鴨池王建宮詞也按唐著作佐郎崔令欽云左右兩教坊右多善歌左多工舞外有水泊俗号月坡形如偃月也

花蓋夫人

後山詩話曰青城人費氏女五代時以才色入蜀宮後主嬖之號花蓋夫人效王建作宮詞百首國亡入宋備後宮太祖召使陳詩即誦云

花蓋夫人傷昔日詩
四十萬人齊解甲并無一箇是男兒

君。王。城。上。豎。降。旗。妾。在。深。宮。那。得。知。四。十。萬。人。齊。解。甲。并。無。一。箇。是。男。兒。

百王法程

宋后妃傳序曰昭憲杜后實生太祖太宗內助之賢母範之正蓋有以開宋世之基業矣厥後慈聖光獻曹后擁佑兩朝宣仁聖烈皇后垂簾聽政而有元祐之治南渡而後若高宗之以母道事隆祐孝宗奉明慈怡愉之樂皆足以為百王法程

庶出過房

哲宗方選后太皇太后曰今得狄諮年命頗便然為庶出過房事須評議王巖叟曰按禮

經問名篇女家答曰臣女夫婦所生及外氏官諱不識今者狄氏將何辭以進議遂寢

天子嫁女皇后娶婦

唐蕭至忠為相韋后為其弟洵與至忠殤女冥婚又以女妻后舅崔從禮子無諛

娶婦

漢張放取后弟平恩侯許嘉女上為放供帳賜甲第充以象輿服飾号为天子娶婦皇后

嫁

為公主服三年

唐書社稷尚政陽公主入為工部尚書判度支會主薨惊久不謝文宗怪之戶部侍郎李班曰此鮒馬都尉皆為公主服三年故惊不

得謝帝矍然始詔杖而暮著為令
 降父為兄弟行 宋太宗女荆國大長公主真宗時
 下嫁李遵勗舊制選尚者降其父為兄弟行時遵
 勗父經昌無恙主因其生日以舅禮謁之帝聞密
 以兼衣寶帶器幣助其壽

二人土上坐
 一月日邊明

二人土上坐 金臺集曰粧臺李妃所築妃嘗與章
 宗露坐上曰二人土上坐妃應聲曰一月日邊明

群妾當御者以
 銀環著左手既
 御著右手

群妾授環 毛傳曰后妃群妾以禮御于君所女史
 書其月日授之環以進退之生子月辰以金環退
 之當御者以銀環進之著于左手既御著于右手

